



Hui Aloha 'Aina Tuahine

Keli'i Abordo  
Pelekikena

Kahikina de Silva  
Hope Pelekikena

Nohea Stillhard  
Pu'ukū

Kēhaulani Ka'ili  
Kākau 'Ōlelo

# KA ULU HOI

Buke 1. Helu 3. Nowemapa 1999.


## No ka lilo 'ana i kumu Kaiapuni

Na Kēhaulani Ka'ili

**A**loha mai nei kākou e nā pua onaona o Hawai'i nei i kāhiko 'ia e ka ua Tuahine. Aloha mai. He wahi leo aloha kēia e ho'olaha i kekahi mea e pili ana i ka 'ōlelo Hawai'i, 'o ia nō ke Cohort ma ke kula Kaiapuni 'o Ānuenue. Inā hoihoi paha 'oe e lilo i kumu ma kēia 'ano kula, he polokolamu pono kēia i kou holomua 'ana.

Aia he 'umikūmāono haumāna ma keia cohort. Hele mākou i Ānuenue me kekahi kumu haumāna lā ma nā Pō'alua a me nā Pō'ahā a pau. Noho mākou i laila mai ka hapalua hola 'ehiku a hiki i ka hapalua hola 'ehā. Mālama 'ia 'ehā papa no mākou, nā haumāna ma nei cohort, e la'a me ka Mākau 'ōlelo, ka Mo'olelo Mo'omeheu, ka Pilikanaka a me ka papa Ho'ona'auao. Ua lako nō ho'i kēia mau papa i nā mea pono a nā kumu haumāna e a'o ai.

(ho'omau 'ia ma ka 'ao'ao 2)



E ho'opiha i nā hakahaka. Pili ka hopena o kekahi hua 'ōlelo me ka mahele mua o kona hope. La'ana:

²A	L	O
N	'	H
I	Ā	A

1. 'āina

2. aloha

1. Ka ua o Honolulu: "He aloha nō 'o Honolulu i ka ua \_\_\_\_\_."
2. Kau 'ia kēia ma ke po'ohiwi no ka ho'owehiwehi 'ana i ke kanaka.

3. Ka mea e 'ai 'ia me ka poi: ka i'a, ka 'i'o, a pēlā aku.
4. Kapa 'ia 'o Kamehameha I ka \_\_\_\_\_.
5. He manō 'ai kanaka kēia.
6. Mai ka lā \_\_\_\_\_ a ka lā kau.
7. Ka inoa o ka mo'o wahine e noho ana ma Mokuahinia, Lahaina, Maui: \_\_\_\_\_ a i 'ole \_\_\_\_\_ wahine.
8. Ka ho'omana'o hau'oli 'ana i kekahi mea: "E 'oihu i ka lei \_\_\_\_\_."
9. "He he'e kēia, he \_\_\_\_\_." E 'ai kākou, auē ka 'ono ē!"
10. 'Ōlelo No'eau #203: 'A'ohē pau ka 'ike \_\_\_\_\_ ho'okahi.
11. Ka manawa e hiamoe ana ka hapanui o ka po'e kanaka: ke kulu \_\_\_\_\_.
12. Kaulana ka po'e o Ni'ihau i ka uluna 'ana i kēia 'ano mea. Hana 'ia no ka noho 'ana o kānaka, a hō'ike 'ia ke akamai o ka mea ulana ma ka hāiki o nā lau \_\_\_\_\_ hana 'ia a me ka nani.
13. Kau 'ia kēia mea kaumaha ma loko o ke kai no \_\_\_\_\_ ka ho'opa'a 'ana i ka moku e lana ana i laila. "Ke hui nei ka \_\_\_\_\_ lā; ua kau ē ka hae ma hope."
14. He makani no Kailua, O'ahu.
15. He ipo 'olu'olu; ua like kona 'ano me ke 'ala o \_\_\_\_\_ kēia 'ano kupukupu. Kapa 'ia 'o Lohiau ka \_\_\_\_\_ i kekahi manawa.
16. "\_\_\_\_\_ 'ekolu nō mākou i ka 'ailana māhiehie."

# NOWEMAPA 1999

Lāpule	Pō'akahī	Pō'alua	Pō'akolu	Pō'ahā	Pō'alima	Pō'aono
	1	2	3	4	5	6
7 9am huaka'i i uka	8	9	10	11 'a'ohē kula!	12	13
14 7am huaka'i i kai	15	16	17	18	19	20
21	22	23	24	25 'a'ohē kula!	26 Hau'oli Lā Ho'omaika'i	27
28	29	30				




(mai ka 'ao'ao 1)

'O ka mea nui ka 'ōlelo Hawai'i  
'ana me nā haumāna ma ka lumi  
papa. 'O ka lua ka ho'onui 'ana i  
ka na'auao o nā haumāna ma ka  
heluhelu 'ana. 'O ke kolu nō ke  
komo 'ana i ka papa  
Ho'ona'auao. Ma laila,  
kūkākūkā mākou e pili ana i nā  
kuleana like 'ole o ia mea he  
kumu, i nā lula o ka DOE, a pēlā  
wale aku. A ma ka papa  
Pilikanaka, a'o 'ia  
na lōina Hawai'i. Ke a'o nei  
mākou i ka hana pū 'ana i ka  
hana a nā kūpuna nō ho'i

Ho'okahi manawa, ua  
hele iho mākou i ke kahawai e  
kahe ana ma kahi o ia kula no ka  
'ānai 'ana i kekahi pohaku, a  
hana i ulumaika. Huaka'i aku  
mākou i ke kahakai 'o Makapu'u

a hana i ko mākou mau ipu  
pono'i. 'Ānai 'ia ka ipu me ke  
one a holoi 'ia ma ke kai, e like  
me ka i hana 'ia ma ka wā i hala.  
I kēia manawa, ke  
ho'omakaukau nei mākou i ka  
'i'o o ke kukui no ka 'inamona a  
me ka 'aila no ke  
kāpala 'ana i ka lōle. Hoihoi loa  
nā hana a mākou e a'o nei i mea e  
ho'omau ai i ko mākou a'o pono  
'ana aku i nā haumāna.

Ina 'a'ole mākou ma nā  
papa i wehewehe 'ia i luna nei,  
aia mākou me nā keiki ma ka  
lumi papa no 'ehā hola. He  
mo'olelo 'ē a'e kēia no laila, e  
ho'i hou mai 'oe i ka mahina 'o  
Kēkēmapa a inu hou i ka wai 'olu  
o ka ua Tuahine. A me 'oukou ka  
welina o ke aloha. Aloha nō.



Inā mākemake 'oe  
e kākau mai i leka,  
i mo'olelo, a i 'ole  
kaha i ki'i, no kēia  
nūpepa, e ho'ouna  
mai ma ka leka  
uila iā:  
kanuha@msn.com  
A i 'ole, e lawe  
kino mai i ka lumi  
435A ma Spalding,  
'o ia ho'i ka lumi  
mānalo. Mahalo!